

# HALAW SA MGA SINASABI NILA

TUNGKOL SA IBANG MGA AKDA NI JOSE P. SANTOS

"Ikaw ang kaunaunahan sa mga kabinataan ngayon na natutong bumago ng landas. Hindi ko pinagtatahan ang ganito pagka't sa mga ugat mo ay tumatakbo ang dugong nanggaling sa iyong ama na kinikilalang luwalhati ng panitikan sa Pilipinas at siyang pinakamatalinong kritiko at manunulat na nagkaroon tayo. Hindi malayong maging isa ka sa inaasahan ni Rizal na magiging maningning na pag-asa ng ating bayan." (Sa kuru-kuro niya sa KASAYSAYAN NG LALAWIGANG RIZAL).

DR. TRINIDAD H. PARDO DE TAVERA

"Pinopuri ko nga nang lubos ang paglalathala mo sa wikang tagalog ng bahay na pinagdaansa ni Plaridel, yuyamang siya'y hindi lamang isang gurong di matutularan sa wikang tagalog kund sapagka't ang kanyang mga lathalang politiko na sinulat sa tagalog, ay siyang ayon kay Rizal, gumising sa damdaming pambansa ng mga pilipino." (Sa kanyang Pannang Salita sa BUHAY AT MGA SINULAT NI FLARIDEL).

MANUEL L. QUEZON

"Isa pang ikauunlad ng pagyaman ng panitikang sarili ang paglalathala ng aklat na ito, isang akdang pinagsikapna, sinadya at linkha ng sariwang talino ng isang batang manunulat. Ang aklat na ito ay isang mahalagang abuloy na dapat pagaralan tungkol sa mga panahong yaon ng ating kasaysayan." (Sa Pannang Salita sa BUHAY AT MGA SINULAT NI EMILIO JACINTO).

RAPHAEL PALMA

"Mapalad ang ating mga manghabasa dahil na ang anak ng magiting na manunulat na si G. Epifanio de los Santos ay nagsusumikap na sumunod sa mga landasin ng kanyang ama. Dahil dito'y ang mga may kakayahan gaya ni G. J. P. Santos ay lubhang malaki ang malpagilingkod sa bayan dahil sa pagaisikap niyang maihsayag ang mga gawain ng mga taunan ng ating Himagsikan." (Sa Pannang Salita sa SINO SI HEN. GREGORIO H. DEL PILAR!).

EMILIO AGUINALDO

"Ito'y nagpapakilala ng isang matiyagang pag-aaral na bibihira lamang, sa kasawiang palad natin, ang nakagagawa. Kalugod-lugod ang kanyang paghahanay na ginamit at di nakiparis sa iba na pinasasaganang totoo sa kaalang sariling palagay na lipos ng kapangyahan, kasaniyan nang maging tiwali at kadalasan pa'y di mapanibhasan. Di dapat pagtakistan na si G. José P. Santos ay magtaglay ng ganitong katangian palibhasa'y anak siya ng matiyaga at pantas na si Don Epifanio na siyang pinagkakantangan natin ng maraming mahahalagang gawain sa pagsuri at pag-aaral ng mga kasaysayan." (Sa Pannang Salita sa ANG MGA MAGITING NG ATING KAHAPON).

TEODORO M. KALAW

"Sa akdang ANG SIGALOT NI BONIFACIO AT NI AGUINALDO ni G. Pepe Santos ay wala akong sukat na tawarin. Makaitlong mabanyad na tinunghayan ko, sa makatuwid bagay ginawa ko

ang buong kabigpitan sa pagsisiyasat, gaya ng isinasagawa ng isang pinkal na pusakal sa pag-usig, datapwa't wala akong nasaling na laban sa katotohanan ni ano pa mang makasundot sa katarungan ng may akda."

ARTEMIO RICARTE VIBORA

"Sa gulang mong taglay, aliw at ligaya ang sa ibang hanap na susunod-sunod sa lipad ng puso sa pagkapahamak, samantalang ikaw, hulos durugin mo ang sariling utak malingawa lang ang diwang mana mo't ang sariling sikap".

CECILIO APOSTOL

"Ang katutubo mong sipag at tiyaga, talinong pinitpit sa palihan ng ama mong paham at ang kabata'y tatlong biyayang iyong tinataglay. Dahil dito'y umaasa akong ang akda mong BUHAY AT MGA SINULAT NI PLARIDEL ay hudyat lamang sa islong binantayog mo pang susulatin pagdating ng araw."

GUILLERMO E. TOLENTINO, eskultor

"Si G. José P. Santos ay isang hinog na manunulat. Higit sa lahat si G. Santos ay karapatdapat ngang sumulat ng buhay ng ating mga bayani dahil sa angkin niyang katalinuhang hindi pangkaranawan sa sangay na iyan."

JOSÉ P. MELENCO

"Malaon nang inasasahan kong darating ang araw na kami'y habundagan mo ng ganiyang babasahin. Oo't tunay ngang para sa iyong gulang ay maaga pa ang pagpapalabas ng isang hinog na bunga ng isip; ngunit lukod sa iyong di pangkaraniwang talino ay may saiyang mana ka sa iyong mga magulang. Ako'y isa sa mga tagahanga ng iyong ama at harinangang maging tagahanga pa rin ng kanyang anak. Ang suntol ay hindi nagbubunga ng mabulo."

IÑIGO ED. REGALADO

"Ang batang-batang manunulat na si G. José P. Santos ay nagpapamalas na ng angking katangian. Sa halip na tuntunin ang landas na tinatalunton ng karamihan sa mga manunulat na pagyamanin ang mga kuwento at nobela ay napili niyang bungkalin ang mayamang sanaysay ng kasaysayan."

DR. APOLINARIO G. DE LOS SANTOS

"Pagkatapos na mabasa ang aklat na itong pinamagatang KASAYSAYAN NG LALAWIGANG RIZAL, matapos na libutin ng akling matang humahanga ang mga dahong puspos ng mahahalagang hindi bunyag na tala ng mga pangyayaring lingid sa kaalaman ng maraming taga Rizal na rin, ay para ko nang namalasa ang mga pagtitiyagang pinuhunan ng may akda upang ang kasaysayang ito'y maging hinog na bungang, sa isang namamnam ay walang idudulot kundi ang ganap na kasiyahang loob. Isang palaisip nga lamang, isang manikhay at matiyagang mananalaysay, isang sanay at dalubhasang panulat, isang may matibay na panatang gumawa at tumulong sa likatibanghal ng sariling atin, ang makakakatha ng gaya ng kinatiba ni G. José P. Santos."

LEONARDO A. DIANZON

Naging Direktor ng Ang Watawat at  
Pagkakaisa